

boenda
FERÐIR

BRASILÍA & ARGENTÍNA



6. – 19. október 2019

Fararstjórn: Steingrímur Gunnarsson

Ferðalýsing

Það er draumi líkast að ferðast til Brasilíu og Argentínu og ekki að ástæðulausu. Þessi ævintýraferð er blanda af stórfenglegri náttúru, mikilfenglegum fossum og tveimur af fallegustu borgum veraldar. **Buenos Aires** er fyrsti áfangastaðurinn þar sem andi sögunnar svífur yfir vötnum. Við skoðum Casa Rosada, þar sem Eva Perón, betur þekkt sem Evita, talaði til tryggra stuðningsmanna sinna. Við förum á **tangósýningu** í heimabæ dansins, sem með sinni fágúðu blöndu af drama, glæsileika og munúð hefur heillað fólk allt frá 19. öld. Skemmtileg sigling á **fljótabáti** um óshólma **Paraná** bíður okkar auk spennandi dagsferðar til bæjarins **Colonia del Sacramento** í Úrúgvæ. Í **Iguazú Þjóðgarðinum** upplifum við eitt stórbrotnasta landslag veraldar með breiðasta fossi jarðar ásamt hinum stórfenglega fossi Garganta del Diablo, Gini djöfulsins. Í **Rio de Janeiro** skoðum við eitt af sjö undrum veraldar, hina þekktu **Kristsstyttu** ásamt því að njóta útsýnis yfir fallegan Guanabara flóann. Borgin er afar falleg og iðar af lífi. Hér er um að ræða ógleymanlega ferð, sem skilur eftir ljúfar og litskrúðugar minningar.



6. október | Brottför frá Keflavík

Brottför frá Keflavík kl. 10:50 og landing í London kl. 14:55 að staðartíma. Þaðan verður flogið til Buenos Aires í næturflugi, brottför kl. 22.25 og landing í Buenos Aires kl. 8:20 að staðartíma þann 7. október. Næturflugið tekur 13 klst og 55 mín.

7. október | Landing í Buenos Aires

Eftir landingu í Buenos Aires að morgni verður haldið á hótelið þar sem gefst tækifæri til að hvíla sig eftir langt flugið. Eftir hvíldina mun argentínska ævintýrið okkar hefjast fyrir alvöru þegar við leggjum af stað í stutta skoðunarferð um Buenos Aires og á næstu dögum heimækjum við marga af merkustu stöðum borgarinnar. Í skoðunarferð dagsins heimsækjum við Recoleta og Palermo hverfin. Recoleta er eitt af finni hverfum borgarinnar með glæsilegum húsum byggðum í frönskum stíl og þar búa margir af velstæðari íbúum Buenos Aires. Í Recoleta kirkjugarðinum er að finna grafreiti allra helstu fyrirmanna borgarinnar, þar á meðal Evitu Peron sem liggur í fjölskyldugrafreitnum. Rétt norðan við Recoleta er Palermo, stærsta hverfi Buenos Aires og munum við leggja leið okkar þangað áður en við snæðum sameiginlegan kvöldverð í Buenos Aires. Gist á hóteli í Buenos Aires í 4 nætur.



- ✓ Kvöldmatur

8. október | Skoðunarferð um Buenos Aires



Morgunverður snæddur á hótelinu og síðan haldið í skoðunarferð um borgina þar sem við upplifum fjölbreytileika hennar. Í miðbænum sjáum við Obelisk minnisvarðann og Colón óperuhúsið sem er heimsþekkt fyrir einstaklega fagran hljómburð sinn. Það er sérstök upplifun að heimsækja torgið Plaza de Mayo þar sem vængjaþytur sögunnar svífur yfir vötnum. Við enda torgsins stendur forsetahöllin sem kölluð hefur verið Casa Rosada eða *Ljósrauða húsið*. Það var

einmitt frá svölum Casa Rosada sem Eva Perón, betur þekkt sem Evita, talaði til tryggra stuðningsmanna sinna meðal margra af fátækustu íbúa landsins. La Boca hverfið verður heimsótt, en það er undir sterkum áhrifum ítalskra innflytjenda sem hugðust freista gæfunnar í argentísku höfuðborginni á 19. öld. Í þessum borgarluta heldur íþróttafélagið Boca Juniors til og þrátt fyrir að fjöldinn allur af framúrskarandi knattspyrnumönnum hafi spilað fyrir félagið í gegnum árin, þá er það knattspyrnuhetjan Diego Maradona sem er þeirra þekktastur. Einnig leggjum við leið okkar í San Telmo sem er með elstu hverfum Buenos Aires og heimsækjum auk þess eitt nútímalegasta hverfi Buenos Aires, Puerto Madero. Hádegisverður snæddur í borginni og að skoðunarferð lokinni eigum við frjálstan tíma til að skoða okkur um á eigin vegum eða taka því rólega. Áhugasamir geta heimsótt safn Evu Perón sem geymir margt áhugverðra muna sem tengjast þessari þekktu kjarnakonu.

- ✓ Morgunmatur
- ✓ Hádegismatur

9. október | Óshólmur Paraná – Tigre

Í dag ökum við frá Buenos Aires til bæjarins Tigre þar sem skemmtileg sigling bíður okkar. Á leið okkar út úr Buenos Aires förum við í gegnum glæsileg úthverfi í norður hluta borgarinnar. Í Tigre stígum við um borð í fljótabát sem siglir með okkur um óshólma Paraná. Paraná fljótið er næstlengsta fljót Suður-Ameríku (á eftir Amazon fljótinu) og er upptök þess að finna í Brasilíu. Hér má sjá hundruði eyja með þéttum hitabeltisgróðri sem eru hluti af einstöku vistkerfi svæðisins. Eftir notalega siglingu ökum við tilbaka til Buenos Aires þar sem við njótum tangósýningar og kvöldverðar á einu af veitingahúsum borgarinnar.

- ✓ Morgunmatur
- ✓ Kvöldmatur



10. október | Colonia del Sacramento í Úrúgvæ

Eftir morgunverð á hótelinu liggur leið okkar með ferju eftir Rio de la Plata til eins elsta bæjar í Úrúgvæ, Colonia del Sacramento. Bærinn sem er á Heimsminjaskrá UNESCO, tilheyrði fyrst í stað Spáni en síðar Portúgal og því er byggingarstíll bæjarins undir áhrifum beggja landa. Við förum í skoðunarferð um bæinn og borðum hádegisverð þar. Um eftirmiðdegið tökum við ferjuna aftur til Buenos Aires.

- ✓ Morgunmatur
- ✓ Hádegismatur

11. október | Iguazú þjóðgarðurinn – Argentínska hliðin

Við höldum út á flugvöll snemma um morguninn þaðan sem við fljúgum til Puerto Iguazú. Við heimsækjum argentínsku hlið Iguazú þjóðgarðarins og snæðum hádegisverð þar. Í þjóðgarðinum má sjá litrík fiðrildi og fugla flögra um á milli stórra trjáanna, vínviðarsins og burknanna, en öll eru þau hluti af fjölbreyttu gróður- og dýralífi garðsins. Garðurinn varð hluti af Heimsminjaskrá UNESCO árið 1984 vegna fegurðar sinnar og líffræðilegs fjölbreytileika. Þjóðgarðinum tilheyra um 200 fossar sem eru allt að 80 metrar á hæð og mynda það sem kallað hefur verið einu nafni Iguazú fossar. Við hefjum heimsóknina í gestastofunni en höldum þaðan í gönguferð um þjóðgarðinn með útsýni yfir stórkostlega fossana. Farið verður með lítilli lest langleiðina upp að Garganta del Diablo eða Gini djöfulsins og gengin um 1 km löng leið eftir göngubrúum út að fossinum þar sem þú upplifir gríðarlegan kraft hans. Hádegiverður snæddur í þjóðgarðinum. Gist á hóteli í Iguazú í 2 nætur.



- ✓ Morgunmatur
- ✓ Hádegismatur

12. október | Iguazú þjóðgarðurinn – Brasilíska hliðin



Um morguninn verður farið í skoðunarferð um brasilísku hlið þjóðgarðsins. Undursamleg fegurð og fjölbreytt lífríki tekur við okkur þegar komið er inn í garðinn og er um að gera að njóta umhverfisins á meðan á göngunni stendur. Þar sem stærsti hluti fossanna er á argentínsku hlið þjóðgarðsins, þá er einungis einn göngustígur hér, um 1 km langur. Frá honum höfum við stórkostlegt útsýni yfir

fossa beggja landa. Við enda göngustígsins er lyfta, en úr henni er frábært útsýni yfir brasilíska hluta þjóðgarðsins og Floreano fossinn. Eftir göngu um garðinn heimsækjum við fuglagarð þar sem má sjá hundruði litríkra og framandi fugla auk fiðrilda, eðla og slangna. Um kvöldið snæðum við saman kvöldverð í Iguazú.

- ✓ Morgunmatur
- ✓ Kvöldmatur

13. október | Flug til Rio de Janeiro

Eftir morgunverð verður haldið út á flugvöll og flogið til Rio de Janeiro. Þessi stórfenglega borg stendur við Atlantshafið á austurströnd Brasilíu og setur iðandi líf og glaðværð íbúanna svip sinn á hana. Borgin státar af falletgri náttúrulegri höfn, umlukin grænum, skógivöxnum klettum, stóru hafi og löngum ströndum. Gist verður á hóteli í Rio de Janeiro í 5 nætur.



- ✓ Morgunmatur

14. október | Kristsstyttan – Tijuca skógurinn

Eftir morgunverðinn ökum við fallega leið eftir Rodrigo de Freitas lóninu í áttina að Corcovado fjalli. Þar er að finna hina frægu Kristsstyttu sem stendur í um 710 metra hæð yfir sjávarmáli og var nýlega valin ein af sjö nútímalegu undrum veraldar. Við tökum litla lest upp á fjallið og njótum stórbrotins útsýnis yfir Rio de Janeiro. Eftir ferðina upp á Corcovado fjall skoðum við Tijuca skóginn sem er talinn einn stærsti þéttbýlisskógur heims. Síðdegis eigum við frjálstan tími í Rio.

- ✓ Morgunmatur

15. október | Sykurtoppurinn

Í dag skoðum við Sykurtoppinn eða Sugar Loaf Mountain sem er eitt helsta kennileiti Rio de Janeiro. Farið verður með kláf upp á hina 215 metra háu Urca hæð áður en annar kláfur er tekinn upp á Sykurtoppinn sem er í 395 metra hæð yfir sjávarmáli. Í heiðskýru veðri er frábært útsýni til allra átta frá Sykurtoppnum, þaðan sem má sjá stóran hluta Rio de Janeiro m.a. Copacabana ströndina, Corcovado fjallið og miðbæinn. Eftir ferðina á Sykurtoppinn verður farið í skoðunarferð um borgina og merkustu staðir hennar heimsóttir.



- ✓ Morgunmatur
- ✓ Hádegismatur

16. október | Dagsferð til Petrópolis

Að loknum morgunverði höldum við í dagsferð til borgarinnar Petrópolis, sem ber nafn síðasta keisara Brasilíu, Pedro II, honum til heiðurs. Borgin var sumardvalarstaður keisara og aristókrata Brasilíu á 19. öld og varð fyrsta höfuðborg Rio de Janeiro fylkisins í sjálfstæðisbaráttu Brasilíu. Hér skoðum við bæinn og fræðumst um sögu hans, lítum á merkilegar byggingar s.s. safnið Imperial sem var áður sumarhöll keisarans og förum í heimsókn í brugghúsið Bohemian sem bruggar einn besta bjór Brasilíu. Snæðum saman hádegisverð og höldum aftur til Rio þegar við höfum skoðað nægju okkar. Kvöldið er frjálst.

- ✓ Morgunmatur
- ✓ Hádegismatur

17. október | Fjálís dagur í Rio de Janeiro



Í dag eigum við frjálstan dag í þessari litríku borg. Hægt er að fara í gönguferð eftir Copacabana eða Ipanema ströndunum, heimsækja eitt af strandkaffihúsum borgarinnar eða kíkja í verslanir. Þá gæti verið tilvalið að fara í skoðunarferð til Angra dos Reis sem er í um 1,5 klst akstursfjarlægð frá borginni. Á svæðinu er að finna fjöldann allan af fallegum eyjum og ströndum og í

skoðunarferðinni er farið í bátsferð um eyjarnar. Jafnvel væri hægt að athuga hvort hægt væri að fá miða á fótboltaleik, ef áhugi er fyrir því. Um kvöldið snæðum við sameiginlegan kveðjukvöldverð í borginni.

- ✓ Morgunmatur
- ✓ Kvöldmatur

18. október | Rio de Janeiro – Frjáls dagur - Heimferð

Nú er runninn upp síðasti dagurinn okkar í Rio. Heimferðin hefst ekki fyrr en í kvöld svo hægt er að nýta daginn í síðustu innkaup, skoðunarferðir eða afslöppun. Skila þarf herbergjum um morgun, en möguleiki er að geyma farangur á hótelinu. Flugið verður með næturflugi frá Brasilíu til London. Brottför er kl. 21:50 að staðartíma og flugið tekur 11 klukkustundir og 20 mínútur.

- ✓ Morgunmatur

19. október | Koma í Keflavík

Áætluð landing í London er kl. 13:10 að staðartíma. Brottför frá London kl. 20:50 að staðartíma og áætluð landing í Keflavík kl. 22:55 að kvöldi 19. október.

Verð

659.900 kr. á mann í tvíbýli | 99.900 kr. aukagjald fyrir einbýli.

Innifalið

- ✓ Áætlunarflug með Icelandair: Keflavík - London – Keflavík.
- ✓ Áætlunarflug: London – Buenos Aires - Iguazu – Rio de Janeiro – London.
- ✓ Flugvallaskattar fyrir alla ferðina.
- ✓ Akstur til og frá flugvelli í Buenos Aires, Iguazú og Rio de Janeiro.
- ✓ Allar rútuferðir samkvæmt ferðalýsingu.
- ✓ Skoðunarferðir og aðgangseyrir samkvæmt ferðalýsingu.
- ✓ Aðgangur að fuglagarðinum í Iguazú.
- ✓ Gisting í 11 nætur í tveggja manna herbergjum á góðum milliklassa hótelum **samkvæmt landsmælikvarða.**
- ✓ Sjá í ferðalýsingu hvaða máltíðir eru innifaldar.
- ✓ Staðarleiðsögn.
- ✓ Íslensk fararstjórn.
- ✓ Undirbúningsfundur með fararstjóra fyrir ferð.



Ekki innifalið

- ✓ Þjóf fé fyrir erlendan staðarleiðsögumann og rútabílstjóra.
- ✓ Aðrar máltíðir en þær sem taldar eru upp í ferðalýsingu.
- ✓ Forfalla- og ferðatryggingar.

